

Oosterwa - Klipdraai



Inhoudsopgawe

- Uit die Woord
- Gedig
- Resepte
- Verjaarsdae
- My Storie

OOSTERWA Agtste Uitgawe

Kersboom
30 Nov. – 2 Des. 2018

UIT DIE WOORD: Fil. 4:4-7

Wees altyd bly in die Here! Ek herhaal: Wees bly! Wees inskiklik teenoor alle mense. Die Here is naby. Moet oor niks besorg wees nie, maar maak in alles julle begeertes deur gebed en smeking en met danksegging aan God bekend. En die vrede van God wat alle verstand te bowe gaan sal oor julle harte en begeertes die wag hou in Jesus Christus.

GEDIG: (Tony Ridgway)

Oom Paul se Nuwe Jaar

Die duiwe k#k nog altyd op Oom Paul se kop
Die wino,s kies nog altyd meths oor goedkoop dop
Proklamasieheuwel glim in die intens Noord se son

Die ou Seer Duim ril

Op Meintjies se Top

En ek hoor 'n dun stem fluister: pasop.

Dis 'n nuwe jaar

Ek is deurmekaar

Dis 'n nuwe jaar

Die Groot Gebou se glorie dans nog

deur die vure

Terwyl haar groot groen tuine wemel

met die miere

Die guano is meedoënloos

Soos 'n somer acid rain

Kenny Rogers verloor sy features

Miskien een dag verdwyn

En ek hoor 'n dik stem fluister: ek

pyn.

Dis 'n nuwe jaar

Ons is bymekaar

Dis 'n nuwe jaar

Die ongenadige son en sy droogte

Verseng in Voortrekkerhoogte

Ek stap uit die SAWI met my


mieliemeel

En sien my nuwe bicycle's gesteel

Dis 'n nuwe jaar

Ek is in die war

Dis 'n nuwe jaar



Vinnige Kaaskoek.

1 Liter Jogurt van jou keuse.
(Ek gebruik dubbel dik volroom)
1 Blikkie Kondensmelk
Tennis Koekies

Krummel die koekies onder in 'n bak wat ook in die mikrogolf sal werk. (Kan ook koekie kors maak met fyn koekies en gesmelte botter, wat dan eers in die yskas moet koud word.) Meng die jogurt en kondensmelk. Ek gooi so bietjie suurlemoensap by, so na smaak.

Gooi die mengsel oor die koekies of kors. Sit in die mikrogolf oond vir 5 minute op hoog. Haal uit laat effens afkoel en plaas in yskas om koud te word en te stol.

(Ek het hom meer as een keer al gemaak en dit het nie geflop nie)



VERJAARSDAE

Desember 2018

7 – Nico Swanepoel
15 – Willie Mentz
23 – Alet van der Walt

Januarie 2019

5 - Kittie Dreyer

12 – Jaco Coetser
29 – Johan van Dyk

MY STORIE

Woorde kan nie regtig beskryf wat se aangename kerskamp ons beleef het nie. Ons het die hele naweek as 'n groep alles saam gedoen. O.a. om te kuier, kos te maak en tee eet en net gesellige saam te verkeer.

Vrydag aand het Rene vir ons “bunny chows” gemaak. Mense somer daar in die veld eet ons soos konings. Later het ons by kerslig, kersliedere gesing. Ons was maar traag om bed toe te gaan.

Omdat dit so warm was het ons omtrent die hele naweek in die middel van die waens wat in 'n laer getrek was, onder “gazebo's” gekuier. As een sy ontbyt pan bring is almal by met hul panne en daar word ontbyt gemaak.

Die klein en groot kinders het hulself besig gehou met die springkasteel en die water glybaan. Kersvader het ook sy draai kom maak om die kinders se geskenkies uit te deel.

Die manne het ingespring om die vleis op die spit te kry, en later het die aartappels en uitjies ook hul beurt gekry.

Daar is tafel gedek en slaai en bykosse is aangedra. Soos gewoonlik het almal heerlik geëet.

Na ete het die grootmense hul geskenkies geskies, maar dit is so onder mekaar oor en weer uitgeruil, dat mens nie meer kon byhou wie het nou eintlik wie se pakkie gekry nie.

Sonag oggend het ons aan Terence se lippe gehang om na sy mooi boodskap wat hy oorgedra het te luister. Ons wil almal bedank wat dit moontlik gemaak het dat dit so uitsonderlik lekker kamp was.

Hoop en vertrou dat almal 'n wonderlike en geseende Christusfees ervaar het.

Namens die bestuur van Oos-Rand wens ons almal 'n voorspoedige Nuwe jaar toe.
